

Մաշտոցի Արձագանգ

Հայաստանեաց Եկեղեցւոյ Սուրբ Յակոբ Կիրակօնօրեայ Դպրոցի ամսաթերթ

Հաւատք | Կրօն | Եկեղեցի | Լեզու | Մշակոյթ



Վարդանանց Պատերազմի մանրանկար

Փետրուար 2007
ԺԴ տարի- թիւ 6

Տեառնընդառաջի օրով սովորութիւն է այցելել Օորապսակ զոյգեր եւ նույր տալ անոնց: Տօնին մասին կարդա' Էջ 5



Սուրբ Սարգիս Զօրավար,
փետրուար 3: Ամսուան
տօնացուցը տես Էջ 4

Վտանգը կը կայանայ երբ բարոյական յայթանակի
յլացքը կը դառնայ բաւարարուածութեան զգացում
ու քիչով գոհանալու համազօր
տրամադրութիւն: Խմբագրականը կարդա' Էջ 3

« Աճեցէ՛ք ու բազմացէ՛ք եւ լեցուցէ՛ք երկիրը »: Պասկի խորհուրդին մասին կարդա' Էջ 6-7

Արեւագալի շարականները հեղինակութիւնն են Սուրբ Ներսէս Շնորհալիի: Մեծ
Պահքի շրջանին յատուկ այս արարութիւններուն մասին կարդա' Էջ 11

Տիեզերական կը կոչուին քրիստոնէական Եկեղեցիներու բարձրագոյն խալի
Եկեղեցական ժողովները, որոնցմէ բխող որոշումները օրին ստացած են պետական
որոշումի համազօր արժէք: կարդա' Էջ 12

«Մաշտոցի Արձագանգ»

Հայաստանեալց Եկեղեցւու
Սուրբ Յակոբ Կիրակօրեայ Դպրոցի
ամսաթերթ

Խմբագիր՝
Շաղիկ Թորիկեան-Պոյամեան

ՄԱՇՏՈՑԻ ԱՐՁԱԳԱՆԳ.ի ներկայ եւ
նախկին թիւերը կը գտնուին նաեւ
համացանցի վրայ։ Այցելեցէ՞ք
www.sourphagop.org հասցեն եւ
ընտրեցէ՞ք Պարբերաթերթ բաժանումը։

Հայաստանեալց Եկեղեցւու
Սուրբ Յակոբ Կիրակօրեայ Դպրոցի
կամաւոր խմբակը

Ուսուցիչներ՝
Վերժին Գիւղթանձեան
Վերա Թորոսեան
Թամար Գիզիրեան
Երան Լոշխանձեան
Յասմիկ Նաճարեան
Գարոլ Մանուկեան
Փոլ Գիզիրեան
Շողիկ Նաճարեան
Աշխեն Իշխանձեան
Յասմիկ Գանաձեան

Լուսանկարիչ՝
Նիկոլ Դանիելեան

Տնօրէն՝
Թորոս Պապիկեան

Այս թիւով . . .



Յաղթանակէ յաղթանակ	Էջ 3
Սուրբ Սարգիս զօրավար	Էջ 4
Տեառնընդառաջ	Էջ 5
Եկեղեցական խորհուրդներէն՝	
Սուրբ Պատակ	Էջ 6
Գիտելիքներ՝ Վարդանանցի մասին	Էջ 7
Նախամուսնական խորհրդատութիւն .	Էջ 8
Ասէ Աստուած	Էջ 9
Մեծ Պահքի մասին	Էջ 10
Արեւագալի, խաղաղական, Հանգստեան ժամերգութիւններ	Էջ 11
Տիեզերական ժողովներ	Էջ 12
Սուրբ Սահակ Պարթեւ	Էջ 13
Աստուածաշունչը մանուկներու համար	Էջ 14-17
Եզակի գիրեր	Էջ 14
Ո՞րն է ճիշդ պատասխանը	Էջ 19-23
Կարճ լուրեր Կիրակօրեալէն	Էջ 24

Խմբագրական**Յաղթանակէ յաղթանակ**

Հաւաքանութեան մը կեանքէն ներս կան իրողութիւններ, որոնք ժամանակի ընթացքին եւ անվերջ կրկնուելով կը դառնան անգիր օրէնք կամ սովորութիւն։ Մեր, հայերուս, օրինակը այդպիսին է, երբ կը մտած ենք բոլոր այն ժողովրդային սովորութիւններուն մասին, որոնք սերունդէ սերունդ, դարէ դար գոյատեւած են, ու քիչ թէ շատ փոփոխութիւններ կրելով հասած՝ մեզի։

Այսպիսով հաստատուած սովորութիւններու նման կան նաև ժողովրդային հաւատալիքներ, կամ նոյնիսկ խօսքեր, որոնք կրկնուելով կրկնուելով վերածուած են անգիր իրողութեան, անառարկելի իրականութեան։

Փետրուար ամսուան ընթացքին յիշատակուող Վարդանանց պատերազմին վերաբերող հասկացողութիւնը այսպիսի օրինակ մըն է։ Ան անխուսափելիօրէն կը լիշուի տարուէ տարի, ու կարծես կ'ամփոփէ ճակատագրական ու պատմական այս դէպքին ամբողջութիւնը։ Խօսքը կը վերաբերի Վանդանանց պատերազմի աւարտին հայ ժողովուրդի «Բարոյական յաղթանակ» տարած ըլլալուն մասին։

Մեզմէ ո՞վ չէ հանդիպած այս նախադասութեան ու ծանօթ չէ անոր. քիչ մարդիկ, վստահաբար։ Մեր դպրոցական դասագրերը նոյնիսկ այսպիսով կ'եզրափակեն հայոց պատմութեան դասի այդ գլուխը։ Վարդանանց պատերազմի մասին որեւէ ուսումնասիրութիւն կամ տեղեկատուութիւն պիտի նշէ անպայման թէ ինչպէս հայերը այդ օր ուազմական եւ զինուրական գետնի վրայ կրած իրենց պարտութեամբ հանդերձ, Վարդանանց պատերազմի իբր արդիւնք, շարունակեցին գոյատեւել իբր հայ ազգ եւ քրիստոնեալ ժողովուրդ։ Իրողութիւն է այս ու ընդունուած եզրակացութիւն։

Հետաքրքրական է վեր առնել այս

խօսքը ու մտածել անոր մասին, մանաւանդ, երբ ան սերտ նմանութիւն ունի քրիստոնէական հաւատքին առընչուող մէկ առաջնահերթ կանոնի հետ, որն է հոգիին եւ հոգեկանին գերադասութիւնը նիւթական, երկրային որեւէ յաղթանակ։

Բարոյական յաղթանակի մը հզօրութիւնը կրնայ նոյնքան մեծ ու ազդու ըլլալ որքան իսկական, շօշափելի արդիւնք տուած յաղթանակ մը, եթէ ոչ աւելի։ Վտանգը սակայն կը կայանայ երբ բարոյական յաղթանակի յուացքը կը դառնայ բաւարարուածութեան զգացում ու քիչով գոհանալու համազօր տրամադրութիւն։ Երբ մարդ իր պարտութիւնը, ճիզի խնայողութիւնը կամ եռանդի ու օօրաւոր կամքի պակասը կ'արդարացնէ այն խօսքով թէ «կարեւորը մասնակցիլն է եւ ոչ՝ յաղթելը», կամ թէ «թէեւ պարտուեցայ բայց բարոյական յաղթանակը իմն էր»։ Պէտք է զգուշանալ, որ բարոյական յաղթանակը չվերածուի քիչով բաւարարուելու զգացումի, ու մեր կրած մէկ կորուստի կամ պարտութեան առջեւ՝ միխթարական խօսքի։ «Բարոյական յաղթանակ» արդիւնքը զգուշութեամբ յայտարելու է մարդս, ու միայն այն պարագային, երբ իսկապէս, պայքարին արդիւնքը թէեւ առաջին, ուսումնասիրելի, ու նիւթապէս կշոելի հերթին ժխտականն է, բայց անոր ետին, ընդհանուր ու թերեւս աւելի ուշ քաղուելիք արդիւնքը՝ դրական։

Ահա, Վարդանանց պատերազմի վերաբերող այլ դասերու կարգին ա՛յս եւս փոխանցելու ենք մեր փոքրերուն, բացատրելով թէ կեանքի մէջ յաղթանակները երբեմն անմիջապէս չեն տարուիր ու տեսանելի չեն ըլլար։ Երբեմն մեր պարտութիւնները մեզի կը ծառայեն իբրեւ դաս, եւ դուռ կը բանան յաւելեալ այլքարի, յաւելեալ եռանդով ու հաւատքով տարուած աշխատանքի, որը իր կարգին, աւելի ուշ կ'արդիւնաւորուի փայլուն եւ սքանչելի յաղթութեամբ։

Փետրուար ամսուան տօնացոյց

Ուրբաթ 2: Յիշատակ Յովնան մարգարէի

Չարաթ 3: Սուլք Սարգիս զօրավար

Չարաթ 10: Սուլք Սահմակ Պարթեւ

Երեքշաբթի 13: Սրբոց Ղետնուեանց քահանայից

Չորեքշաբթի 14: Տեառնընդառաջ

Հինգշաբթի 15: Սրբոց Վարդանանց զօրավարացն

Չարաթ 17: Կոստանդնուպոլսոյ ժողովի 150 հայրապետացն

Կիրակի 18: Ա. Կիրակի, Բուն Բարեկենդան

Երկուշաբթի 19: Սուաչին օր Մեծ Պահքի

Չարաթ 24: Սուլք Թէոդորոս զօրավար

Կիրակի 25: Բ. Կիրակի, Արտաքսման



Յովնան մարգարէ

Սուլք Սարգիս զօրավար

Սուլք Սարգիս զօրավար մեր ժողովուրդի կողմէ կը նկատուի երիտասարդներու ու սիրահարներու պաշտպան Սուլք: Հստ աւանդութեան, ան իր օրերուն փախցուցած է աղջիկ մը ու այդ դէպքին շնորհիւ, երիտասարդներուն կողմէ նկատուած՝ իբրեւ զիրենք ամենէն աւելի լաւ հասկցող Սուլքը:

«Այդ տօնին մաքուր ալիւրից թխում են խիստ աղի գաթայ. Երեկոյեան սիրահարուած երիտասարդներն ու կոյսերը ուստում են այդ գաթայից եւ առանց ջուր խմելու քնում: Եթէ երազում իրենց սիրոյ առարկայից ջուր առան, կամ ջուր տուին խմելու՝ դա նշան է թէ ցանկալի նպատակին կը հասնեն»: (Աւետիս Ահարոննեան)

Ծագումով յոյն, քաղաքացիութեամբ Հռոմէացի Սուլք Սարգիսը ապրած է չորրորդ դարուն: Ան Հռոմի Կոստանդիանոս կայսեր կողմէ նշանակուած էր իր ծննդավայրի Կապադովկիոյ զօրապետ: Կոստանդիանոսի յաջորդող Կայարը՝ Յովիանոս Ուրացող, սաստիկ հալածանք բացաւ քրիստոնեաներուն դէմ ու դիմելով անոնց հրաւիրեց որ վերադառնան հեթանոսական նախկին պաշտամունքին: Զօրավարը շուտով հասկցաւ թէ նահատակութիւն կը սպասէր իրեն որովհետեւ ոչ մէկ ձեւով մտադիր էր ուրանալ իր քրիստոնէական հաւատքը: Ան իր զաւկին, Մարտիրոսի ընկերակցութեամբ, հեռացաւ իր հայրենիքէն ու մեկնեցաւ Պարսկաստան: Հոն, Շապուհ Բ. արքան զինք նշանակեց պարսկահոնմէական սահմաններու պաշտպան զօրապահ:

Թէեւ զօրավարը բազմաթիւ յաղթանակներ կ'ապահովէ պարսիկ արքային, բայց անոր քրիստոնեայ հաւատքի քարոզչութիւն ընելու լուրը որեւէ դրական ընդունելութիւն չ'ստանար: Խսկապէս ալ, զօրավարը իր քարոզչութեան շնորհիւ քրիստոնէական հաւատքին դարձուցած էր պարսկական բանակի բազմաթիւ անդամներ:

Զօրավարին քրիստոնէութեան հաւատարիմ մնալու որոշումը պատճառ կ'ըլլայ որ նահատակուի, իր որդույն Մարտիրոսի ու պարսկական բանակէն 14 հաւատարիմ զինուրականներու հետ:

Տեառնընդառաջ Նորապսակ զոյգերու օրինութեան օր

Տեառնընդառաջ կը նշանակէ ելլել կամ գալ Տիրոջ առջեւ, Եերկայանալ Անոր: Հայաստանեաց եկեղեցիէն ներս Տիրոջ առջեւ գալու կամ Տեառնընդառաջի տօնը կը վերագրուի Քրիստոսի տաճարին նուիրման, երբ ան քառասուն օրուան մանուկ եղաւ: Յիսուսի տաճար ընծայման վերաբերող հատուածը կը գտնուի Ղուկասի աւետարանին երկրորդ գլխուն տակ, 22-38 համարներուն մէջ:

Իսկ երբ Մովսէսի հաստատած Օրէնքին համաձայն անոնց ծխական մաքրու թեան ժամանակը լրացաւ, Յովսէփին ու Մարիամը մանուկը Երուսաղէմ տարին Տիրոջ ընծայելու համար:

Տեառնընդառաջին կը տրուի նաև Տէրնտեզ կամ Տէրնտաս անունը որ «Տէրն ընդ ձեզ» արտայալտութեան ձեւափոխուած տարբերակն է:

Հայաստնեաց եկեղեցին Տեառնընդառաջը կը տօնէ Քրիստոսի ծնունդէն քառասուն օր ետք, այսինքն անշարժ կերպով Փետրուար 14-ին:



Տեառնընդառաջի առթիւ կայացած սովորութիւններ

Տեառնընդառաջի օրը, մայրեր իրենց քառասնօրեայ զաւակները կը բերեն եկեղեցի ուր քահանան, դիմելով Աստուծոյ, կը խնդրէ որ Անոր ամենազօր Աշը միշտ պահապան մնայ մանուկին վրայ:

Տեառնընդառաջը նաև առիթ դարձած է եկեղեցիէն ներս նորապսակ զոյգերու օրինութեան: Փետրուար 14-ին, Տեառնընդառաջի պատարագի աւարտին, Հայ առաքելական եկեղեցիներէն ներս կը կատարուի նորապսակ զոյգերու օրինութեան կարգ: Քահանան աղօթքով կ'օրինէ իրեն դիմող զոյգերն ու անոնց միութիւնը, զօրացնելու համար անոնց սիրոյ եւ հաւատարմութեան փոխադարձ յանձնառութիւնը:

Այդ արարողութեան ընթացքին, Աստուծաշունչէն կը կարդացուին խրատներ որոնց հիմնականն է տէրունական հետեւեալ պատգամը. -

**«Ինչ որ Աստուած միացուց,
մարդը թող չբաժնէ»:**

Տեառնընդառաջի օրով սովորութիւն է այցելել նորապսակ զոյգեր եւ նուէր տաւ անոնց:

**Տեառնընդառաջի
ժողովրդականացած եւ աւելի դիւրին
ձեւն է Տեառնընդառաջ:**

Եկեղեցւոյ խորհուրդները Սուրբ Պատրիարք Ամուսնութիւն



Յունուար ամսուան թիւով մենք ծանօթացանք Եկեղեցական խորհուրդներէն Հաղորդութեան որուն ճաշակումով հաստացեալը Քրիստոսը կ'ընդունի իր ներսիդին ու կը միանայ Անոր: Փետրուար ամսուան այս թիւով մենք պիտի նկարագրենք մեր Եկեղեցւոյ հինգերորդ խորհուրդը՝ Սուրբ Պատրիարք:

«Աճեցէ՛ք ու բազմացէ՛ք եւ լեցուցէ՛ք երկիրը»:

Ահա այս բառերը արտասանելով, Աստուած օրինեց Ադամն ու Եւան ու զանոնք միացնելով Իր իսկ ձեռքով հաստատեց ամուսնութեան խորհուրդը:

Ամուսնութիւնը այր եւ կնոջ միութիւնն է Աստուծոյ օրինութեամբ: Սուրբ Պատրիարքողութիւնը սիրոյ եւ հաւատարմութեան խոստում մըն է, որ ամուսնացող զոյգը կը կատարէ հանրութեան ու Աստուծոյ առջեւ: Պատրիարք յարգանքի, նուիրուածութեան, հաւատարմութեան մէջ յարատեելու շնորհ, նեղութիւնները համբերութեամբ դիմագրաւելու կարողութիւն, ինչպէս նաև իմաստութեամբ իսկական քրիստոնեայ ընտանիք մը ստեղծելու զօրութիւն:

Այնպէս ինչպէս որ Յիսոս ու Եկեղեցին իրարմէ անբաժան են, նոյնպէս ալ պսակուող զոյգը կը միաւորուին փոխադարձ անբաժանելի սիրով: Այս սէրը օրինելով է որ Աստուած փեսային կը պատուիրէ տէր կենալ իր կնոջ այնպէս՝ ինչպէս Յիսոս տէր կեցաւ իր Եկեղեցւոյն, իսկ հարսին կը պատուիրէ հնազանդ մնալ իր ամուսնոյն, այնպէս՝ ինչպէս Եկեղեցին հնազանդ մնաց Քրիստոսի:

Խաչեղբա՞յր կամ Կնքահայր

Խաչեղբայրը հարսին ու փեսային օրինաւոր ամուսնութեան պաշտօնական վկան է:

Իրաքանչիւր պսակուող զոյգ կ'ընտրէ խաչեղբայր մը որ Սուրբ Պատրիարքողութեան ընթացքին Քրիստոսի խաչը կը բռնէ հարսին ու փեսային գլխուն վերեւ: Աչսպիսով խաչը հովանի կ'ըլլայ ու պաշտպան՝ նորապսակ զոյգին:

Յաճախ խաչեղբայրը ժողովուրդին կողմէ կը կոչուի կնքահայր որովհետեւ, ըստ հին սովորութեան մը, պսակուող զոյգին գլխուն վերեւ խաչը հովանի բռնելու պաշտօնը կը տրուէր փեսային մկրտութեան կնքահօր կամ անոր որդուոյն:

Գիտէիր թէ...

Պօղոս առաքեալ սուրբ պսակի խորհուրդը կը նմանցնէ Քրիստոսի եւ Անոր Եկեղեցիին միշեւ գոյացած փոխադարձ սիրոյն եւ անքակտելի միութեան:

Ամուսնութիւն թէ Պատրիարք

Ամուսնութեան արարողութիւնը կը կոչուի նաև Սուրբ Պատրիարք: Իրապէս ալ, արարողութեան ընթացքին, փեսային եւ հարսին գլխուն պսակ կամ թագ կը դրուի: Այս պսակը կը խորհրդանշէ Աստուծոյ փառքն ու պատիւը որ կ'իջնէ ամուսնացող զոյգին վրայ ու կ'օրինէ զանոնք: Այս պսակի կամ թագի գետեղման շնորհիւ փեսան կը կոչուի թագաւոր եւ հարսը՝ թագուիի:



Գիտէի՞ր թէ...

Ս. Եղիշէ Պատմիչ իր «Վարդանի եւ Հայոց Պատերազմի մասին» երկին մէջ մեզի տուած է ականատեսի իր վկայութիւնը:

Ի՞նչ կը նշանակէ...

Քանզի Հայր Մեր Զատուրբ Աւետարանն Գիտեմք եւ Մայր ԶԱռաքելական Եկեղեցի Կաթողիկէ

Գիտէի՞ր թէ...

«Նորահրաշ պսակաւոր» շարականը գրուած Ս. Ներսէս Շնորհալիի կողմէ եւ Նուիրուած Վարդանանցի սուրբերուն, բաղկացած է տասը տուներէ եւ ան ծայրակապն է «Ներսէսի Երգ»-ին:

«Նորահրաշ պսակաւոր եւ զօրագլուխ առաքինեաց...

Երկնաւոր թագաւորին զինու յաղթեալ պատերազմին...

Րենական լուսով լցեալ արիացեալն քաջն Արտակ...

Սրբափայլ զգեստու պճնեալ ի յերկնաւոր հանդիսադրէն...»

Ցաջորդող վեց տուները կու գան ամբողջացնելու խօսքին մնացեալ գիրերը:

Գիտէի՞ր թէ...

Վարդանի եւ իր 1036 ընկերներու նահատակութիւնով սկսած պատերազմը աւարտեցաւ 33 տարիներ եւոք իր եղբօրորդի Վահան Մամիկոնեանի Յաղթանակով եւ 484 թուականի Նուարակի մէջ ստորագրուած դաշնագրով: Այս Դաշնագիրը աշխարհի առաջին մարդկային իրաւունքներու դաշնագիրն է «հսուան rights declaration», հետեւեալ պայմաններով:

ա. Հայաստանի շնորհել ինքնավարութիւն:

բ. Որեւէ Հայ չի վերածել մոգի:

գ. Հայաստանէն Աստրուշաններու վերացում:

դ. Արգիլել Եկեղեցւոյ անարգումը:

ե. Հայերուն շնորհել Քրիստոնէական պաշտամունքի ազատութիւն

Նոյն Դաշնագրին մէջ, Հայեր հետեւեալ խրատները կու տան Պարսից թագաւորին

ա. Որպէսզի Պարսիկներուն գործերն ալ յաջող լնդանան, գիտցէ՛ք զատորոշել լաւը՝ վատէն, պիտանին՝ անպէտքէն:

բ. Գնահատեցէ՛ք այն որ պատուական, քաջ եւ օգտակար է միայն:

գ. Արհամարիեցէ՛ք գէշ եւ անպիտան մարդիկը:

դ. Սիրեցէ՛ք աշխատասէրը որ լաւ արդիւնքներ կու տայ:

ե. Բարեկամ եղէ՛ք իմաստուն խորհուրդներ տուող մարդոց, եւ անմիտները հեռացուցէ՛ք հրապարակէն:

Դեռեւս, Պարսիկներու թագաւորը պէտք է ի՞ր իսկ աչքերով տեսնէ եւ ականջներով ստուգէ խնդիրներու խկութիւնը: Պէտք չէ դատէ սուս խօսքերու վրայ հիմնուելով, այլ՝ փաստեր պէտք է փնտոէ ամբաստանելէ առաջ:

Նախամուսնական խորհրդատութիւն

Գրիգոր Վրդ. Զիփթճեան

«Ներկայ աշխարհը իր բարոյական հարցերով»

Անթիիաս-2001

Գիտակից ամուսնութեան մը կնքումին համար օրէ օր կարեւորութիւն ստացող հանդիպում մը սկսաւ դառնալ ամուսնութենէն առաջ հոգեւոր հովիտին հետ մտերմիկ, խորհրդակցական զրոյց մը՝ նախամուսնական խորհրդատութիւնը:

Հետաքրքրական է նկատել, որ յատուկ պահանջք կայ նաեւ այս մասին, նոյնինքն ենթականերուն՝ պսակուելիք զոյգին կողմէ։ Աւելի՝ հետաքրքրական է նկատել, որ համալսարանական բարձրագոյն կրթութեան հասած համալսարանաւարտ երիտասարդներուն ու երիտասարդուհիներն են առաելաբար այս հանդիպումը պահանջողները։

Մարդ որքան զարգանայ, այնքան աւելի՝ պիտի անդրադառնայ ընտանիքին կարեւորութեան, ընկերութեան կեանքին մէջ։
...

Նախամուսնական այս խորհրդատութիւնը, մարդուն համար ամենէն էական երեւոյթին՝ ամենէն մտերմիկ, ամուսնական փոխ-յարաքերական իր գիտակից կեանքին մասին կարծիքներու փոխանակման սքանչելի առիթ մըն է, նախքան անոր սահմաններէն ներս մտնելը։ Այս խորհրդատութեան ընթացքին է որ հոգեւոր հովիլը պիտի բացատրէ նախ իր կատարելիք եկեղեցական արարողութիւնը, Սուրբ Պատկի Խորիութը, իր պսակած թերեւս բազմահարիւր զոյգերէն իւրաքանչիւրին հետ ունեցած իր հանդիպումներէն մէջբերումներ պիտի կատարէ, ու Սուրբ Գիրքէն քաղելով իր օրինակները, պիտի առաջնորդէ շահեկան զրոյցը։ Այնտեղ կրնան արծարծուիլ հարցեր, որոնց մասին ճիշդ է որ մտածած ես, բաց առիթը չէ ներկայացած որ արտայալտուիս, մանաւանդ այն անձին, որ քու կինդ կամ ամուսինդ ըլլառ համար ընտրած ես։...

Պատահած է որ առանց նախամուսնական խորհրդատութեան Սուրբ

Պատկի եկած հարս մը վշտացած է, երբ պսակող եկեղեցականը արարողութեան ընթացքին, խրատական բաժնի աւարտին խօսքը ուղղելով անոր հարցուցած է. «Կը խոստանա՞ն տէր եւ ՀՆԱԶԱՆՌ ըլլալ այս պարոնին որ քու ամուսինդ պիտի ըլլայ եւ հաւատարմութեամբ սիրել զայն»։ Ահաւասիկ բառ մը՝ «ՀՆԱԶԱՆՌ», որ կրնայ հաւասարութեան դարու մէջ ապրող կնոջ համար «արժանապատութեան» հարց ստեղծել։ Սակայն նախամուսնական խորհրդատութենէ անցնող զոյգը երբ այս բառին Սուրբ Գրային իմաստին ու նշանակութեան անդրադառնայ, պիտի տեսնէ որ այնտեղ ստորակալութեան հարց չկայ, եւ առիթ չի տար փեսային «լոխորտանքին» ու հարսին «նուաստացման»։ Բան մը որ անցնող սերունդին մօտ այնքան շեշտուած էր։

Հոգեւոր հովիտին եւ սուրբ պսակի արժանանալիք զոյգին միջեւ եղած այս զրոյցը առիթ մըն է նաեւ վերարժեւորելու բարոյական տիեզերական սկզբունքներ, որոնց վրայ կը կանգնի մարդկութիւնը։ Այդ սկզբունքները ոչ միայն բացարձակ, այլև յափտենական են։ Անոնք նման են տիեզերքի ներդաշնակութեան օրէնքին, որուն յափտենական թաւալքին մէջ յառաջ եկող խախտում մը՝ աղէտ կրնայ դառնալ։

Բարոյական կեանքի աղէտները խորունկ զգացումով մը՝ Սէր-ով կը վերանան ու կը փարատին։ Ուրեմն որքան շահեկան պիտի ըլլար այն բառին բոլոր տեսակներուն մասին երկա՛րօրէն խօսիլ։ Սէր՝ Աստուծոյ հանդէպ, Սէր՝ ծնողներուն հանդէպ, Սէր՝ իրարու հանդէպ, Սէր՝ զաւակներուն հանդէպ եւ ի վերջոյ Սէր՝ իր նմաններուն հանդէպ։ Սիրոյ մասին այն անկեղծ զրոյցին առաջին հիստն է նախամուսնական խորհրդատութիւնը, որոն բարերար անդիւնքները ցարդ բազմաթիւ զոյգեր վայելած են։

Ասէ Աստուած...
Ծաշու աւետարան 17 Փետրուար 2007
Բ. Կորնթացիներուն 6.1-17

Արդ, որովհետեւ Աստուածոյ գործակիցներն ենք, կ'աղաշենք ձեզի, մի՛ վատնէք Աստուածէն ձեր ստացած շնորհը: Որովհետեւ Աստուած կ'ըսէ.-

«Երբ յարմար ժամանակը եկաւ՝ լսեցի քեզ,
երբ փրկութեան օրը հասաւ՝ օգնեցի քեզի»:

Ոեւէ բանով պատճառ մի՛ ըլլաք որ Աստուածոյ գործը խափանուի կամ վարկաբեկուի. այլ՝ բոլոր պարագաներուն ալ դուք ձեզ ցոյց տուէք որպէս Աստուածոյ պաշտօնեաներ, մեծ համբերութեամբ յանձն առնելով նեղութիւնը, վիշտը, չարչարանքը, ծեծը, բանտը, խոռվարաբերու վայրագութիւնները, յոգնութիւնը, անքնութիւնը, անօթութիւնը: Այս բոլորը տարէք՝ մաքուր սրտով, գիտակցօրէն, համբերատարութեամբ, քաղցրութեամբ, Սուրբ Հոգիով, անկեղծ սիրով, ճշմարտութիւնը քարոզելով, Աստուածոյ զօրութեամբ եւ արդարութեամբ զինուած՝ չարին դէմ յարձակելու եւ ինքզինք պաշտպանելու համար: Մի՛ այլայլիք՝ ո՛չ փառքէն եւ ո՛չ անարգանքէն, ո՛չ գովասանքէն եւ ո՛չ մեղադրանքէն: Մարդիկ մոլորած թող ըսեն մեզի. մենք գիտենք թէ ճշմարտութենէն շենք շեղած: Թող չուզեն մեզ ճանշնալ. մենք գիտենք թէ մեզ լաւ կը ճանշնան: Թող մեռած սեպեն մեզ. մենք ահա կենդանի ենք: Թող մեզ պատժապարտ համարեն. մենք գիտենք թէ մահուան դատապարտութենէն ազատած ենք: Թող մեր կեանքը տիսուր կարծեն. մենք միշտ ուրախ ենք: Աղքատ թող սեպեն. մենք շատերու կեանքերը կը ճոխացնենք: Այլ՛, կը թուի թէ ոչինչ ունինք, մինչդեռ ամէն ինչ ունինք:

Կենդանի Աստուածոյ տաճարն ենք

Բնաւ անհաւատներու լծակից մի՛ ըլլաք: Ի՞նչ կապ կրնայ ունենալ արդարը անօրէնին հետ, կամ ի՞նչ նոյնութեան եզր կրնայ ըլլալ լոյսին ու խաւարին միշեւ: Ի՞նչ համաձայնութիւն կրնայ ըլլալ Քրիստոսի եւ Սատանային միշեւ, կամ ի՞նչ գործ ունի հաւատացեալը անհաւատին հետ: Ի՞նչ նմանութիւն կայ Աստուածոյ տաճարին եւ մեհեաններուն միշեւ:

Արդարեւ, մե՛նք ենք կենդանի Աստուածոյ տաճարը, ինչպէս Աստուած ինք ըսաւ.-

«Անոնց մէջ պիտի բնակիմ
եւ անոնց հետ պիտի ապրիմ:
Ես իրենց Աստուածը պիտի ըլլամ
եւ անոնք՝ իմ ժողովուրդս»:

Ահա թէ ինչո՞ւ Աստուած կը հրահանգէ մեզի.-

«Անշատ եւ հեռո՛ կեցէք հեթանոսներէն.
պիդ բաներու մի՛ դաշիք,
եւ ես ձեզ պիտի ընդունիմ:
Ես ձեզի Հայր պիտի ըլլամ,
եւ դուք իմ տղաքս ու աղջիկներս պիտի
ըլլաք,-
կ'ըսէ ամենակալ Տէրը»:



Մեծ Պահքի մասին

Այս տարի, Փետրուար ամսուան յատկանշական եւ կարեւորութեամբ նշելի օրերէն մէկն է Երկուշաբթի 19 Փետրուարը՝ Մեծ Պահքի առաջին օրը:

Իսկապէս ալ, Մեծ Պահքը, իբր Սուրբ Զատիկը նախորդող քառասնօրեայ պահեցողութեան շրջան, կը սկսի Բուն Բարեկենդանի Երկուշաբթին ու Կ'երկարի մինչեւ Սուրբ Յարութեան Աւագ շաբաթը։ Աւագ շաբաթը ինք ե'ւս պահքի շաբաթ մը ըլլալով, պահեցողութեան օրերու ընդհանուր թիւը կը հասնի 48-ի։ Մեծ Պահքի բոլոր տեսողութեան, եկեղեցին խորանը կը մնայ փակ։ հոսկէ կը ծագի «փակեալ խորան» արտայայտութիւնը։

Ի՞նչ է պահեցողութիւնը

Գիտէի՞ր թէ...

Մեծ Պահքի շրջանին կայ միայն մէկ տօն որուն պատարագը բացառաբար կը մատուցուի բաց խորանով։ Այդ տօնն է Սուրբ Գրիգոր Լուսաւորիչի «Մուտն ի Վիրապ»-ը որ այս տարի կը յիշատակենք Մարտ 24 ին։

Պահեցողութիւնը կամաւոր ինքնազապումի, ինքնազրկումի շրջան մըն է որ կը միտի մարմնին չափազանց ցանկութիւնները զսպելով զօրացնել հոգին։

Ի՞նչ ձեւով կը կատարուի պահեցողութիւնը ներկայիս

Եթէ անցեալին պահեցողութիւնը ամբողջութեամբ ծոմապահութեան համազօր էր, ներկայիս ան կը նշանակէ որոշուած օրերուն հրաժարիլ մսեղէնէ եւ ընդհանրապէս կենդանական բնոյթ ունեցող սնունդներէ։ Ընդունուած է ուրեմն ուտել բանշարեղէն, ընդեղէն եւ այլ բուսական ծագում ունեցող կերակուրներ։ Պահեցողութիւնը եկեղեցին կողմէ հաստատուած պարտադրիչ հրահանգ չէ, այլ՝ յանձնարարելի օրէնք։ Պահեցողութիւնը պէտք է ըլլայ կամաւոր եւ ինքնաբուխ։

**Ուրեմն Պահքը սննդականոն փոխելո՞վ
կը կիրարկուի**


Պահքը իր ամբողջական նպատակին ծառայած պիտի չըլլայ եթէ, ժումկալութեան հետ զուգահեռ, հաւատացեալը շդիմէ աղօթքի եւ ողորմութեան։



փակեալ խորան

Արեւագալի, Խաղաղական, Հանգստեան Ժամերգութիւններ

Մեծ Պահքի շրջանին, Հայաստանեաց եկեղեցին իր հաւատացեալներուն համար նախատեսած է աղօթքի եւ ինքնամփոփման արարողութիւններ, որոնք ծանօթ են «Արեւագալ» կամ «Խաղաղական եւ Հանգստեան ժամերգութիւն» անուններուն տակ: Անոնց ամենէն աւելի ընդհանրացած կոչումն է «Հսկում» բառով ներկայացուող արարողութիւնները: Այս արարողութիւնները տեղի կ'ունենան ընդհանրապէս Զորեքշաբթի եւ Ուրբաթ երեկոները:



Գիտեի՞ր թէ...



Արեւագալի շարականները հեղինակութիւնն են Սուրբ Ներսէս Շնորհալիի: Անոնց մէջ ամենէն աւելի յիշատակուող նիւթն է հոգեւոր լոյսը, ինչպէս նաև ճշմարիտին ու գեղեցիկին փառաբանութիւնը: Ահա հատուած մը Արեւագալի շարականներէն.-

Արեւելքէն մինչեւ արեւմուտք, քրիստոնեայ բոլոր երկիրներուն մէջ, որ որ ալ սրբութեամբ Տէրը օգնութեան կը կանչեն, անոնց բարեխօսութեամբ թող Տէրը ողորմի մեզի: Աղօթենք եւ աղաշենք Աստուծոյ, որ մեզ փրկէ մեղքերէն եւ աշխարհի ցանկութենէն, ընդունի մեր սրտաբուխ աղօթքներն ու խնդրանքները, եւ իր սուրբերուն հետ միասին մեզ արժանի ընէ հաւատքին եւ իր պատուիրաններուն: Ամենակալ Տէր, մեր Աստուծուածք, փրկէ՛ մեզ եւ ողորմէ՛ մեզի:

Տիեզերական ժողովներ

Հայաստանեաց Եկեղեցւոյ տօնացոյցին մէջ, Վարդանանցին յաջորդող Շաբաթ օրը, այս տարի Փետրուար 17ին, վերապահուած է Կոստանդնուպոլսոյ տիեզերական ժողովին մասնակցած 150 հայրապետներու յիշատակին:

Տիեզերական կը կոչուին քրիստոնէական Եկեղեցիներու բարձրագոյն խափ Եկեղեցական ժողովները, որոնցմէ բխող որոշումները օրին ստացած են պետական որոշումի համազօր արժէք: Բնականաբար, անոնք «Տիեզերական» կը կոչուին նաև որովհետև ընդունուած կ'ըլլան բոլոր մասնակից Եկեղեցիներուն կողմէ:

Այս տիեզերական ժողովները գումարուած են հոռմէական, ապա բիւզանդական կայսրերու նախաձեռնութեամբ:

Հայաստանեաց Եկեղեցին կ'ընդունի տիեզերական առաջին երեք ժողովները, որոնք են հետեւեալները.-

Նիկիոյ տիեզերական ժողովը, 325 թուականին որուն իբր արդիւնք մեզի հասած է Նիկիոյ հանգանակը, մեր բոլորին ծանօթ «Հաւատամք»-ը: (Տես յաջորդ Եջը)

Կոստանդնուպոլսոյ տիեզերական ժողովը, 381 թուականին, որուն ընթացքին հաստատուեցաւ սուրբ Երրորդութեան համազօր Աստուածութիւնը:

Եփեսոսի տիեզերական ժողով, 431 թուականին, որուն ընթացքին մերժուեցաւ Քրիստոսի մէջ ընդունիլ Երկու բնութիւններ՝ աստուածայինն ու մարդկայինը:

Հայաստանեաց Եկեղեցին հաւատարիմ մնալով այս երեք տիեզերական ժողովներու դաւանանքին, մերժեց Քաղկեդոնի չորրորդ տիեզերական ժողովը, տեղի ունեցած 451 թուականին, անհամոզիչ համարելով անոր «մէկ անձ եւ Երկու բնութիւն» քրիստոսաբանական բանաձեւը:

Նիկիոյ տիեզերական ժողովի արդիւնք՝

Նիկիական հանգանակը

Կը հաւատանք մէկ Աստուծոյ, ամենակալ Հօր, ստեղծիչին Երկնքին եւ Երկրի, տեսանելիներուն եւ անտեսանելիներուն:

Եւ մէկ Տիրոց Յիսուս Քրիստոսի՝ Աստուծոյ Որդիին, ծնած Հայր Աստուծմէ՝ միածին, այսինքն՝ Հօրը Էութենէն: Աստուած՝ Աստուծմէ, լոյս՝ լոյսէն, ճշմարիտ Աստուած՝ ճշմարիտ Աստուծմէ, ծնունդ եւ ոչ արարած: Նոյն ինքն Հօր բնութենէն, որով եղաւ ամէն բան Երկինքի մէջ եւ Երկրի վրայ՝ Երեւելիներն ու աներեւոյթները: Որ մեզի՝ մարդոց համար եւ մեր փրկութեան համար Երկինքէն իշաւ, մարմնացաւ, մարդացաւ, կատարելապէս ծնաւ Սուրբ Կոյս Մարիամէն՝ Սուրբ Հոգիով: Որով առաւ մարմին, հոգի եւ միտք եւ ամէն ինչ որ կայ մարդուն մէջ՝ ճշմարտապէս եւ ոչ թէ կարծիքով: Զարչարուեցաւ, խաչուեցաւ, թաղուեցաւ, Երրորդ օրը յարութիւն առաւ եւ նոյն մարմինով Երկինք ելաւ՝, նստաւ Հօրը աշ կողմը: Պիտի գայ նոյն մարմինով եւ Հօրը փառքով՝ դատելու ողջերը եւ մեռածները, որուն թագաւորութեան վախճան չկայ:

Կը հաւատանք նաև ամեղ եւ կատարեալ Սուրբ Հոգիին, որ խօսեցաւ Օրէնքին, Մարգարէներուն եւ Աւետարաններուն միջոցաւ. որ Յորդանան իշաւ, քարոզեց առաքեալներուն բերնով եւ բնակեցաւ սուրբերուն մէջ:

Կը հաւատանք նաև միայն մէկ, ընդհանրական եւ առաքելական, սուրբ Եկեղեցիին, մէկ մկրտութեան, ապաշխարութեան, մեղքերու քաւութեան ու թողութեան, մեռելներու յարութեան, հոգիներու եւ մարմիններու յափտենական դատաստանին, Երկինքի թագաւորութեան եւ յափտենական կեանքին:


Սուրբ Սահմակ Պարթեւ

387 թուին, 39 տարեկանին Հայոց կաթողիկոս ծեռնադրուած այս հոգեւորականին անունը մեր բոլորին ծանօթ է իբր հայ գիրերու գիտէն ետք, հայերէն լեզուի եւ աստուածաշունչի պատուիրաններու տարածման աշխատանքին մէջ առաջնահերթ դեր խաղցած անձնաւորութիւն։ Խվապէս ալ, իր կաթողիկոսութեան օրերուն էր որ Մեսրոպ Մաշտոց եկեղեցական դարձաւ ու լծուեցաւ հայ գիրերու ստեղծման աշխատանքին։ Հայ գիրերու գիտէն վերջ, տարիներ շարունակ ան զբաղած է հայրենիքի հոգեւոր կեանքի բարեկարգութեան վերաբերող հարցերով ու հիմնական նպատակ ունեցած է տարածել հայ դպրութիւնը ամենուրեք։

Սուրբ Սահմակ Պարթեւ, ծնած է 348 թուին, Կեսարիա, եւ որդին է Ներսէս Մեծի։ Ան կը նկատուի Սուրբ Գրիգոր Լուսաւորիչի տոհմին անդամներէն մէկը։ Անոր միակ դուստրը, Սահմականոյշ, մայրը պիտի ըլար Քաջն Վարդան Մամիկոնեանի։

Նախնական ուսումը իր ծննդավայրէն Աերս ստանալէ ետք, ան մեկնեցաւ Բիզանդիոն - Կ. Պոլիս - որ այդ ժամանակաշրջանին ուսման բարձրագոյն կեդրոններէն մէկն էր։ Հոն, Սահմակ Պարթեւ տիրապետեց կրօնական, եկեղեցական եւ այլ գիտութիւններու, ինչպէս նաև օտար բազմաթիւ լեզուներու, որոնցմէ էին յունարէնն ու պարսկերէնը։

Սուրբ Սահմակ Պարթեւ կարգաւորած է Հայաստաննեաց եկեղեցւոյ տօնացուցը, գրած բազմաթիւ հոգեւոր կանոններ, այսինքն շարականներու շարքեր, եղանակաւորած է նաև շարականներ, պատարագամատոց եւ ծիսական աղօթքներ։ Ս. Սահմակ Պարթեւ եւ Ս. Մեսրոպ Մաշտոց իրենց աշակերտներուն հետ կը ծաւալեն թարգմանչական աշխատանքները, որոնց առաջինը կը հանդիսանայ Աստուածաշունչը։ Այսպէս է որ Սահմակ Ա. Պարթեւ հայրապետ կը նկատուի մեր ոսկեդարու կերտիչներէն մէկը։



**Շարական
Սուրբ Սահմակ Պարթեւ
հայրապետին**

**Դուն սուրբ հայրերուն
արմատներէն մեզի գաւազան բխեցուցիր
սուրբ Սահմակ հայրապետը քու հօտող
հովուելու ո՞վ Քրիստոս։**


**Դուն հայերուս անգիտութեան
խաւարը ջնջեցիր՝ ասով իմաստութեան
լոյսը ծագեցնելով Թորգոնի որդիներուն։**

**Դուն քու յառաջիկայ խորհուրդը
տեսիլքով յայտնեցիր սուրբին, անոր
յիշատակին՝ ընդունէ տօնողներուս
աղաչանքը։**

Աստուածաշունչը մանուկներու համար Ե՛Լ ԵՒ ՔԱԼԵՇ

Օր մը, տան մը մէջ, Յիսուս կը խօսէր Տիրոջ մասին:
Մեծ բազմութիւն մը հաւաքուած էր զինք մտիկ ընելու համար
Եւ այլեւս տեղ չէր մնացած իր մօտերը:

Եւ ահա քանի մը հոգիներ անդամալոյծ մը բերին մահիճի մը
վրայ:



Անոնք կ'ուզէին անպայման հիւանդը Յիսուսի մօտեցնել:

Սակայն տեղ չկար, ուրեմն տանիք ելան եւ առաստաղէն կախելով՝ մահիճով միասին հիւանդը իջեցուցին ճիշդ Յիսուսի առջեւ, որովհետեւ անոնք վստահ էին որ Յիսուս կրնար զինք առողջացնել:



Երբ Յիսուս անոնց հաւատքը տեսաւ անդամալոյծին ըսաւ՝ «մեղքերդ ներուած են»:

Քանի մը պատասխանատուներ ջղալնացան ու իրարու ըսին.

«Ո՞վ է այս մարդը. Միայն Աստուած կրնայ մարդոց մեղքերը ներել. Այսպիսով ան զԱստուած կ'անարգէ»:

Յիսուս անոնց մտածումը գիտնալով ըսաւ.- «Ո՞րը աւելի դիւրին է «մեղքերդ ներուած են» ըսե՞լը, թէ «Ել եւ քալէ՛» ըսելը»:

Ապա ան աւելցուց. «Զեզի ցոյց պիտի տամ, որ Հայրս զիս դրկեց որ մարդոց մեղքերը ներեմ»:

Եւ դառնալով անդամալոյծին, ըսաւ.- «Ե՛լ, առ մահիճդ, եւ տո՛ւնդ գնա»: Անմիջապէս անդամալոյծը ոտքի ելաւ, առաւ մահիճը, եւ Աստուած փառաբանելով տուն գնաց:



Այս պատմութեամբ Յիսուս կ'ուզէր բացատրել մարդոց որ Աստուած կը դարմանէ մեր հիւանդութիւններն ու տկարութիւնները որպէսզի մեր կեանքը լաւ ապրինք:

Ի՞նչ կը նշանակէ
անդամալոյծ:



Անդամալոյծը մարդ
մըն է որ չի կրնար
քալել:

Ինչո՞ւ Յիսուս
անդամալոյծին կ'ըսէ
«մեղքերի ներուած
են»: Ան սխալ բան
չեր ըրած,
պարզապէս հիւանդ
էր:

Այս, բայց այդ
օրերուն, կը կարծուեր
որ մարդիկ կը
հիւանդանային
որովհետեւ սխալ կամ
մեղք գործած էին:



Յիսուս
իրապէս զինք
առողջացո՞ւց:
Անկարելի է:

Ներկաները հոն էին եւ
տեսան պատահածը:
Յիսուս ուրիշ շատ
բուժումներ ալ ըրած է:



Եզակի գիրեր

Հայերէն գիրերով Sudoku

գ	թ	թ	է	ա	դ	զ	ը	ե
ե	ը	դ	թ	գ	զ	է	թ	ա
ա	է	զ	թ	ե	ը	թ	դ	գ
թ	գ	գ	ե	ը	ա	դ	է	թ
ը	դ	է	զ	թ	գ	ե	ա	թ
թ	ե	ա	դ	է	թ	ը	գ	զ
դ	գ	ե	ը	զ	թ	ա	թ	է
զ	ա	ը	գ	թ	է	թ	ե	դ
է	թ	թ	ա	դ	ե	գ	զ	ը

Նախորդ «Եզակի գիրեր» ուն
լուծումը

թ			ե			զ	դ	
		զ	ա	է				թ
ը		թ	դ					ե
թ		դ	թ				ը	
թ			զ		գ			ա
	է				դ	զ		թ
					դ	զ		թ
					ա	է		գ
է	զ			ը	ե	թ		
	ա	գ			զ		ե	

Ամբողջացուր քառակուսիները գործածելով ա, թ, գ, դ, ե, զ, է, ը, թ գիրերը պայմանաւ որ միայն մէկ անգամ գործածես իրաքանչիւր գիր իրաքանչիւր՝

- Բորիզոնական գիծի վրայ,
- ուղղահայեաց գիծի վրայ եւ
- իննեակ քառակուսիի մէջ

Ո՞ր է ճիշդ պատասխանը Ցունուար ամսուան պատասխանները

Մանկապարտէզի անկիւն
հրահանգը, աստղը, առաջնորդեց,
երկրագեցին, ոսկի, կնդրուկ, զմուս,
երազի

Նախակրթարան Ա. Բ. Գ. անկիւն
1. դ. 6 Ցունուար
2. դ. 6 Ցունուար
3. դ. 30 տարեկան
4. ենթակալական
5. թ. Զուր

6. թ. 6 Ցունուարին Պատարագէն ետք

7. ա. 5 Ցունուարին

8. Ցունուար 5 ին

9. կարճահասակ

10. Գիճի եւ նշխար

Նախակրթարան Դ. Ե. Զ. անկիւն

1. գ. Զաքարիա

2. գ. 5 Ցունուար

3. դ. 6 Ցունուար

4. Քրիստոս ծնաւ եւ յայտնեցաւ

5. թ. Վերջին ընթրիքին՝ Հինգշաբթի

6. թ. 6 սանդիմեթր
7. գ. Ապաշխարութիւն
8. գ. Անապատ առաջնորդուեցաւ եւ 40 օր ծով պահեց
9. դ. Ցորդանան
10. Սկիբ

Երկրորդականի անկիւն

1. ա. զոհ, նուեր, ընծայ

2. դ. ա, թ եւ գ

3. դ. ա, թ եւ գ

4. ա. Քահանայական պաշտօն ունեցող եկեղեցականներ

5. դ. ա, թ եւ գ

6. Դամասկոս

7. Ցովիաննես Օձնեցի

8. Սիփան

9. Ղուկասի

10. մեծ, սքանչելի, աւուր, ընդ,

հրեշտակս, աւետիս, երկնի, երկրի,

խանձարուս, Հօրէ, այրին

Ո՞րն է ճիշդ պատասխանը Յունուար ամսուան մասնակցողները

Սուրբ Յակոբ Կիրակօնօրեալ Դապրոց

Մասնակապարտէզ

Սեւակ Թեհինեան, Տանիէլ Տօնապետեան,
Լորա Տօնապետեան, Լիլի Չինչինեան,
Ալիս Մելեքեան, Սահակ Մելեքեան,
Քրիստինա Ակրեան, Ժիվի Քէօշկերեան,
Անդօ Նասոյեան, Թամարա Պետրոս,
Ցոլեր Անթեպեան, Տելենա Կարապետեան,
Անսխալ պատասխանողներ

Նախակրթարան Ա.Բ. Գ. անկիւն

Փաթիլ Կարապետեան, Քրիստոֆըր
Արմութլու, Նշան Կիրակոսեան, Արա
Միրզոյեան, Սեւակ Դափթեան, Ծօնաթան
Զարֆանեան, Ալիք Գապաքեան, Դանիէլ
Ակրեան, Միներ Պանքեան, Կիորիա
Կարապետեան, Խշխչեան Ռիթա, Ծեսիքա
Մաթոսեան, Կրէս Նարեկեան, Ցարութ
Նասոյեան, Կարինէ Կարապետեան, Արազ
Քէպթաննեան, Ռիթա Մամիրոյեան, Սերժ
Դափթեան, Հրակ Քիւփելեան, Սեւակ
Պապիկեան, Արին Անթեպեան:
Անսխալ պատասխանողներ
Յակոբ Չինչինեան,

Նախակրթարան Դ.Ե.Զ. անկիւն

Գէորգ Պոլիքեան, Զոհրաա Կարապետեան,
Ալեք Կարապետեան, Միներ Մաթոսեան,
Սեւան Մելեքեան, Թեհինեան Շողիկ,
Նանոր Քիւփելեան, Ռոզալին Չինչինեան,
Հրայր Մաթոսեան, Մարիա Դանիէլեան,
Լորի Չինչինեան,
Անսխալ պատասխանողներ
Առէն Պապիկեան, Դալար Գիւպթաննեան,
Կասիա Արմութլու

Երկրորդականի անկիւն

Ցովիկ Կարապետեան, Քրիստին
Կարապետեան, Գօգօ Մաթոսեան, Արի
Միրզայեան, Լորա Սարիմանուկեան,
Սեդրակ Մամիրոյեան, Արման Նարեկեան

**Սուրբ Յակոբ Ազգային Վարժարան
Վարդգէս եւ Աստղիկ Սարաֆեան
Նախակրթարան**

Դ. դասարանի Մասնակցողներ

Լորի Չուխանեան, Աւետիս Թիւֆէնքնեան,
Աստրինա Մուրատեան, Թովմաս Զաքուր,
Վանէսա Փիլիկեան, Գրիստիան Տիւպէտ,
Արամ Անասալ, ՇանթՂազելեան, Սանտրա
Թիւֆէնքնեան,

Անսխալ պատասխանողներ

Դինա Կարապետեան, Սառա Թէրզեան,
Սիրվարդ Սապաղեան, Արամ
Պարթենեան, Արիկի Չերքէզեան, Գարին
Տանաօլլեան, Ռուպինա Տէմիրնեան,
Ալեքսանտր Զաքեան, Ալեք Կարապետեան,
Միներ Շարաշեան, Մելիսա Պետրոս,
Թամար Մերտիսեան, Լինէթ
Խարայէլեան, Սեւան Մելեքեան, Ազնիւ
Աղպապեան, Սանտրա Կիւփիմեան, Բիթըր
Սարգիս, Սերենա Քիւլիքեան, Նաթալի
Հայրապետեան, Շողիկ Թեհինեան,
Մարիամ Մկրտիչեան, Ալինա Մարտիրոս,
Ալեք Թուպի, Ռուբեն Չերշեան, Տանիէլ
Չիւլուքովսի, Արթիւր Պէքարեան,
Դանիա Ժօննէթ, Սեւան Ցուփիկեան, Արա
Սոպանեան, Լորի Չոպոյեան

Ե. դասարանի Մասնակցողներ

Դաւիթ Արոլիկեան, Սեւակ Թաշճեան, Նայիրի
Թաշճեան, Սեւանա Օլիվիէ, Անդրանիկ
Պաղտասարեան, ճենիֆըր Եռնանեան, Լորէն
Սանուկեան, Սելինն Կիւլիմեան, Գարուլին
Գորգեննեան, Ռաֆֆի Կետիկեան, Էտի Տէտէյեան
Ալին Տէրտերեան, Գօգօ ճանսըգեան, Փարրիք
Պազարպաշեան, Զօհրապ Շահինեան, Մարինա
Սաղըրեան, Նարէ Մարկոսեան, Արի Թորոսեան
Շանթալ Թորոսեան, Սարին Պէզճեան, Սերոբ
Թաշճեան, Անուշ Ներսէսեան, Արեգ Ջամբարձումեան
Նելի Օհաննէսեան, Ժագ-Սիօն Գասպարեան, Քրիս
Չարզնեան, Էլի Գույումճեան, Ցովսէփ Կիւլեան,
Դուին Տօնապետեան, Դալար Գիւպթանճեան,
Արքահամ Թանուսեան, Ալիք Կարապետեան, Արօն
Պղուկեան
Անսխալ պատասխանողներ

Արի Կարժապետեան, Գրիգոր Պալապանեան, Ռիթա
Գասպարեան

**Ո՞րն է ճիշդ պատասխանը
Մանկապարտէզի անկիւն**



Յիսուսի տաճար լնծայումը
**«Տեառնընդառաջ,
Փետրուար 14»**

**Ամբողջացո՞ւր ըստ
Ղուկաս 2.22- 32**

Տիրոջ, նուիրուի,
տատրակ, աղաւնիի,
Սիմոն, Սուրբ Հոգին,
Օծեալը, Յիսուսը,
գոհաբանեց

Յովսէփն ու Մարիամը մանուկը Երուսաղէմ տարին ----- լնծայելու համար որովհետեւ Տիրոջ Օրէնքին մէջ գրուած է. «Տիրոջ պէտք է ----- ամէն արու զաւակ, որ մօր առաջին զաւակն է». ինչպէս նաեւ Տիրոջ Օրէնքին համաձայն զոհ մատուցանելու գոյգ մը ----- կամ ----- երկու ձագ:

Այդ ժամանակ Երուսաղէմի մէջ ----- անունով մարդ մը կ'ապրէր: Սիմոն արդար եւ աստուածավախ մարդ մըն էր, ----- իրեն հետ էր եւ վստահեցուցած էր զինք՝ թէ Տիրոջ ----- չտեսած պիտի չմեռնէր: Արդ, Սուրբ Հոգին առաջնորդուած՝ անիկա տաճար գնաց: Երբ ծնողքը մանուկ ----- տաճար բերին, որպէսզի կատարեն այն ինչ որ Օրէնքը կը պահանջէր մանուկին համար, Սիմոն իր գիրկը առաւ փոքրիկը եւ ----- զԱստուած:

**Ո՞րն է ճիշդ պատասխանը
Նախակրթարան Ա. Բ. եւ Գ. դասարաններու անկիւն**

Անուն: _____

1.- Յիսուսի ծնունդէն քանի՞ օր ետք զինք տաճար բերին Տիրոջ նուիրելու:

ա.- 8

բ.- 20

գ.- 40

դ.- 451

2.- Ո՞ր թուականին տեղի ունեցաւ Վարդանանց պատերազմը:

ա.- 484

բ.- 303

գ.- 301

դ.- 451

3.- Սուրբ Սարգիս ի՞նչ գործ կ'ըներ:

ա.- Զօրավար էր

բ.- Զկնորս էր

գ.- Հովհաննես էր

դ.- Բժիշկ էր

4.- Եջ 14-16 ի Յիսուսի ըրած հրաշքին մէջ Յիսուս որո՞ւն ըսաւ «Ե՛լ, առ մարիճդ եւ տունդ գնա՛»:

Ա. Կոյրին

Բ. Համրին

Գ. Խովհին

Դ. Անդամալոյծին

5.- Սուրբ Վարդանանց տօնին յաջորդող Կիրակին ի՞նչ կը կոչուի:

6. Վարդանանցէն երկու օր առաջ ի՞նչ կը տօնենք:

Ա. Սուրբ Սարգիս

Բ. Սուրբ Սահմակ Պարթեւ

Գ. Սուրբ Ղետինդեանց Քահանայից

Դ. Տեառնընդառաջ

7. Ի՞նչ կը նշանակէ Բարեկենդան:

ա.- Բարի լուր

բ.- Բարի կեանք

գ.- Վարդանանք

դ.- Halloween

8. Բուն Բարեկենդանին յաջորդ օրը ի՞նչ կը սկսի:

9. Գրէ՛ գրաբարով «Կը հաւատանք մէկ Աստուծոյ, ամենակալ Հօր»:

10. Յովնան մարգարէն ձուկին փորին մէջը քանի՞ օր մնաց:

**Ո՞րն է ճիշդ պատասխանը
Նախակրթարան Դ. Ե. Եւ Զ. Դասարաններու անկիւն**

Անուն: _____

1.- Յիսուսի ծնունդէն քանի՞ օր ետք Յովսէփն ու Մարիամը զինք տաճար տարին Տիրոջ նուիրելու:

- ա.- 8
- բ.- 20
- գ.- 40
- դ.- 451

2.- ա. Յունուար 6ը հաշուելով որպէս առաջին օր, Փետրուարի ո՞ր օրը Յիսուս առաջին անգամ տաճար բերին:

- ա.- 12
- բ.- 13
- գ.- 14
- դ.- 15

բ. Հայաստանեաց Եկեղեցին ի՞նչ կը տօնէ ամէն տարուան Փետրուարի այդ օրը:

3.- Աստուած, ստեղծելով առաջին մարդը, Ադամը, եւ առաջին կինը, Եւան, եւ միացնելով ու օրինելով զանոնք ո՞ր Սուրբ Խորհուրդը հաստատեց:

4.- Սուրբ Վարդանանց տօնին նախորդող Ծաբաթ օրը ո՞ր սուրբին տօնը կը յիշատակենք:

5. Ո՞վ էր Ս. Վարդան Մամիկոնեանին մեծ հայրը «մօրը կողմէ»:

6. Ե՞րբ կը սկսի Մեծ Պահքը «երկու շիտակ պատասխան»:

- Ա. Վարդանանցի յաջորդող Երկուշաբթին
- Բ. Բուն բարեկենդանին յաջորդող Երկուշաբթին
- Գ. Վարդանանցի յաջորդող Չորեքշաբթին
- Դ. Բուն բարեկենդանին յաջորդող Չորեքշաբթին

7. Ո՞վ գրած է «Նորանրաշ պատերազմի մասին» երկը:

8. Ո՞վ գրած է «Վարդանի եւ Հայոց Պատերազմի մասին» երկը:

9. Ի՞նչ կը կոչուի Բուն Բարեկենդանին յաջորդող Կիրակին:

10. Ի՞նչ կը կոչուի Բուն Բարեկենդանէն ետք եկող Երկրորդ Կիրակին:

**Ո՞րն է ճիշդ պատասխանը
Երկրորդականի անկիւն**

Անուն: _____

1- Վարդանանց ճակատամարտի տարին տեղի ունեցաւ 4րդ տիեզերական ժողովը որ հետագային մերժուեցաւ Հայերուն կողմէ: Ո՞ւր տեղի ունեցաւ այդ ժողովը:

2- Վարդանանց Ճակատամարտէն 33 տարիներ ետք Վահան Մամիկոնեան Պարսիկներուն հետ ստորագրեց դաշնագիր մը որ Հայ ժողովուրդին տուաւ ինքնավարութիւն, Հայ Եկեղեցին տուաւ ազատ գործելու իրաւունք եւ քանդելու կառուցուած ատրուշանները: Ո՞ւր ստորագրուեցաւ այդ դաշնագիրը

3-Հայ Եկեղեցին Փետրուարի ո՞ր օրը կը տօնէ Յիսուսի Տաճար լնծայումը:

4-Սուրբ Սարգիսի նախորդող Երկուշաբթիէն Ուրբաթ օրերը պահք են: Ի՞նչ կը կոչուի այս 5 օրուան պահքը:

5-Տարուան ո՞ր 4 օրերը Շաշու գիրք չկարդացուիր:

6- Թիւ 5 հարցումին մէջ նշուած 4 օրերուն յաջորդող օրը Հին Կտակարանի ո՞ր մարգարէին գիրքն է Շաշու լնթերցումը:

7- Ե՞րբ տեղի ունեցաւ Տիեզերական այն ժողովը, որուն մասնակից 150 հայրապետներուն տօնը այս տարի կը տօննենք Փետրուար 17 ին:

8- Յիսուս քանի՞ օրուան մանուկ Էր Երբ Տաճար լնծայուեցաւ:

**9.- Ամբողջացուր
ՔԱՆԶԻ ՀԱՅՐ ՄԵՐ
ԶՍՈՒՐԲ**

**ԳԻՏԵՄՔ ԵՒ ՄԱՅՐ
ԶԱՌԱՔԵԼԱԿԱՆ**

ԿԱԹՈՂԻԿԵ

10.- Ո՞ր ականատես սուրբը գրեց Վարդանանց Պատերազմին Ակարագրականը:

Կարճ լուրեր Կիրակնօրեայէն

Փետրուար 18 Ին Կիրակնօրեայ Դպրոցը կը տօնէ Վարդանանք եւ Բուն Բարեկենդան, ուր աշակերտները կը ծպտուին Հայկական Տարազներով:

Այս տարուան պահքի առաջարկուած ծոմապահութիւնը հետեւեալն է:

Փետրուար 19- 25 Շամօն

Փետրուար 26 - Մարտ 4 Հեռատեսիլ, Համակարգիչ, այլ պաստառով Խաղեր

Մարտ 5 -11 Շաքար

Մարտ 12-18 կազախն խմիչքներ (pepsi, 7up, coke, crush եւայլն)

Մարտ 19 – 25 տուրմ chocolate

Մարտ 26 - Ապրիլ 1 chips

Ապրիլ 2 -7 Հալկիթ

Այս տարուան պահքի ընթացքին սորվելիքները հետեւեալներն են:

Մանկապարտէզի Ա. Բ. Եւ Գ. Եւ Նախակրթարանի Ա.

Անսխալ գոց սորվիլ Խաչակնքել, Տէրունական Աղօթքը եւ Հաւատով

Խոստովանիմէն համարներ :

Նախակրթարանի Բ., Գ., Դ., Եւ Զ.

Հաւատամքը

Երկրորդական

Նոր Կտակարանի Գիրքերու Շարքը

«ՄԱՇՏՈՑԻ ԱՐՁԱԳԱՆԳ»ի

Ներկայ եւ նախկին թիւերը կը գտնուին նաեւ համացանցի վրայ:

Այցելեցէ՛ք www.sourphagop.org հասցէն եւ ընտրեցէ՛ք Պարբերաթերթ
բաժանումը:

ՏԵԱՌՆԾԴԱՌԱՋ

**Չորեքշաբթի, 14
Փետրուար 2007**

**Երեկոյեան
Ժամերգութիւն
Ժամը 7:30 ին**

Armenian Prelacy of Canada

Presents

**Pilgrimage among the
Armenians of the
Middle East**

by

V. Rev. Walter Raymond OGS

Dean & Rector

Anglican Cathedral of Holy Trinity,
Quebec City

Thursday, February 8, 2007 at 8PM
Sourp Hagop Armenian Apostolic Cathedral
www.epilgrim.org